

SAOPŠTENJE ZA MEDIJE

NELT INVESTIRAO 1,6 MILIONA EURA U PROŠIRENJE SKLADIŠTA U BIJELJINI

Skladišni kapacitet je povećan na 2.065 m² i 2.196 mjesta u paletnim pozicijama

Bijeljina, 19. februar 2025. godine – Nelt Grupa investirala je 1,6 miliona eura u proširenje skladišnih kapaciteta u svom regionalnom distributivnom centru u Bijeljini.

Ovom investicijom, koja je dio najavljenih ulaganja od 100 miliona eura u logističku infrastrukturu i moderne tehnologije na tržištima Srbije, Bosne i Hercegovine, Sjeverne Makedonije, Crne Gore i Zambije, **skladišna hala proširena je na 2.065 m² neto, dok je kapacitet u paletnim pozicijama 2.196 mjesta.**

„Dalji razvoj logističkih operacija je strateško opredjeljenje naše kompanije. Kapitalne investicije su dio dugoročnog investicionog plana i neophodne su radi unapređenja poslovnih procesa i cjelokupnog lanca snabdijevanja u Bosni i Hercegovini. Time pratimo potrebe tržišta i naših poslovnih partnera“, **izjavila je Suzana Sikimić, izvršna direktorica Nelt Grupe za tržište Bosne i Hercegovine.**

Gradnja novog skladišnog prostora, u kojem će biti skladištena roba široke potrošnje, počela je u junu 2024. godine. **Prostor se sastoji od dvije skladišne cjeline sa kondicioniranim režimom od 10-20 °C, dok je visina skladištenja 12 metara.** Novi skladišni prostor izgrađen je prema najvišim tehnološkim i sigurnosnim standardima, uz najsavremeniju tehnologiju i softvere za upravljanje logističkim procesima.

Nelt d.o.o. posluje na tržištu Bosne i Hercegovine od 2006. godine i ima 520 zaposlenih. Osim sjedišta u Istočnom Sarajevu, posluje kroz regionalne distributivne centre u Banjoj Luci i Bijeljini, kao i cross dock-ove u Bihaću, Mostaru i Tuzli. Nelt d.o.o. sarađuje sa principalima Mondelez, Kraš, Arla, JTI, Bambi, Baby Food Factory, BIC, Neoplanta, JDE Peet's, Kent, Philips, TDU i Karelia, dok su klijenti u oblasti logistike Menprom, Atom, JTI i mnogi drugi. Nelt d.o.o. je dio Nelt Grupe, jednog od najvećih poslovnih sistema u Adria regionu.

O Nelt Grupi:

Nelt Grupa je jedan od najuspješnijih poslovnih sistema u Adria regionu na polju logistike i distribucije, i proizvođač brendova. Kao internacionalna grupacija zapošljava više od 5.500 ljudi u 14 kompanija, na 12 tržišta u Evropi i Africi. Leadersko mesto i uspjesi postignuti tokom 30 godina poslovanja rezultat su konstantnog ulaganja u edukaciju i razvoj zaposlenih, inovacija i primene novih tehnologija, a inkluzivna i otvorena korporativna kultura zaštitni je znak kompanije. Za više informacija posetite: www.nelt.com